



Na osnovu Ugovora broj: 07-05-14-25200-1/19 od 18.11.2019. godine zaključenog između između Ministarstva privrede Kantona Sarajevo i Sarajevske regionalne razvojne agencije SERDA, u vezi sa implementacijom Projekta „Jačanje ljudskih kapaciteta ključnih aktera iz metaloprerađivačkog, drvnog, IT i sektora turizma za uspješno pisanje, apliciranje i upravljanje EU projektima“, Sarajevska regionalna razvojna agencija SERDA objavljuje

JAVNI POZIV

za prijavu na program edukacije o alatima i potrebnim vještinama za uspješno pisanje, apliciranje i upravljanje EU projektima

Program je namijenjen za 30 ključnih aktera (mala i srednja preduzeća, obrti, udruženja, NVO...) iz metaloprerađivačkog, drvnog, IT i sektora turizma sa područja Kantona Sarajevo, koji planiraju dodatno obučiti svoje uposlenike radi sticanja novih vještina i znanja u svrhu održavanja postojeće, kao i povećanja zaposlenosti, čiji bi po jedan predstavnik prošao Program 1 i Program 2 edukacije o alatima i potrebnim vještinama za uspješno pisanje, apliciranje i upravljanje EU projektima.

Programom se nastoje ojačati ljudski kapaciteti i kompetencije za uspješno pisanje, apliciranje i upravljanje EU projektima u sklopu programa koji su dostupni Bosni i Hercegovini.

Prenos teoretskog i praktičnog znanja će se realizirati putem dva programa sa ukupno osam tematskih cjelina (modula).

Tematske cjeline obrađuju:

PROGRAM 1

1. Razumijevanje Evropske unije
2. Programi finansijske podrške i fondovi EU
3. Izrada projektnih prijedloga prema PCM-u
4. Popuna aplikacija na EU fondove

PROGRAM 2

1. Planiranje i koordinacija provedbe projekata
2. Ugovorne obaveze korisnika sredstava
3. Provedba procesa javnih nabavki
4. Upravljanje finansijskim izvještajima

U realizaciji edukacije najviše časova će biti posvećeno izradi projektnih prijedloga prema PCM-u (Upravljanje projektnim ciklusom – Project Cycle Management).

Predviđeno trajanje edukacije je 10 radnih dana (5 dana po programu).

Na program edukacije mogu se prijaviti subjekti sa područja Kantona Sarajevo, s tim da će prednost prilikom odabira imati subjekti koji uspješno posluju, te oni koji su brzorastući i izvozno orijentirani.

Potrebna dokumentacija za prijavu:

- Popunjen prijavni obrazac;
- Rješenje o registraciji (ovjerena fotokopija rješenja iz sudskog registra ili aktuelni izvod iz sudskog registra ne stariji od 3 mjeseca) ili ekvivalent ili potvrda nadležnog organa iz koje se vidi da je aplikant registrovan za obavljanje djelatnosti;
- Uvjerenje da je podnosilac prijave izmirio obaveze po osnovu poreza i doprinosa (ne starije od 3 mjeseca).

Nakon uspješno savladanog programa, polaznici će dobiti potvrdu/uvjerenje o sudjelovanju na edukaciji i postati članovi Kluba Projektne akademije koji će se periodično sastajati u svrhu razmjene najnovijih informacija i iskustava o EU fondovima.

Obrazac za prijavu može se preuzeti na web adresi: www.serda.ba ili lično u prostorijama Sarajevske regionalne razvojne agencije SERDA, Kolodvorska 6, Sarajevo.

Prijave se mogu dostaviti putem e-maila: akademija@serda.ba, faxa: (033) 663 - 923 ili lično na protokol na adresi Sarajevska regionalna razvojna agencija – SERDA, ulica Kolodvorska 6, Sarajevo.

Edukacija je besplatna za sve subjekte koji budu odabrani po Javnom pozivu.

Javni poziv ostaje otvoren do **24.07.2020. godine** sa mogućnošću produženja.

Sve dodatne informacije mogu se dobiti putem telefona: (033) 652 935 i (033) 648 686.